




ՍՐԲԱԶԱՆ ՊԱՏԱՐԱԳ ԵՎ ՀԱՅՐԱՊԵՏԱԿԱՆ
ՄԱՂԹԱՆՔ ԱՄԵՆԱՅՆ ՀԱՅՈՑ ՀԱՅՐԱՊԵՏԻ
ԾՆՆԴՅԱՆ 80-ԱՄՅԱԿԻ ԱՌԹԻՎ

Սեպտեմբերի 25-ին, կիրակի.—Տօն է Վարազայ սրբոյ Խաչին:

Այսօր, վաղ առավոտից, Մայր տաճարը լեփ-լեցուն էր հյուրերի և ուխտավորների բազմությամբ, որոնք եկել էին ներկա լինելու ս. պատարագի սրբազան արարողությանը և միաժամանակ շնորհավորելու և իրենց հարգանքի ու սիրո տուրքը մատուցելու Ամենայն Հայոց Վեհափառ Հայրապետին՝ ծննդյան 80-ամյակի կապակցությամբ:

Ս. պատարագն սկսվեց ժամը 10.30-ին: Պատարագիչն էր Փարիզի հայոց առաջնորդ գերաշնորհ Տ. Գյուտ եպս. Նազգաշյանը: Ս. պատարագին ներկա էին Վեհափառ Հայրապետի ծննդյան 80-րդ տարեդարձի առթիվ շնորհավորելու եկած Մայր Աթոռի Գերագույն Հոգևոր Խորհրդի անդամները, Մինսկի ու Բելոռուսիայի միտրոպոլիտ Ֆիլարետը, Եկեղեցիների Համաշխարհային Խորհրդի ներկայացուցիչներ, Հայ Եկեղեցու ներքին և արտասահմանյան թեմերի արքեպիսկոպոսներ, եպիսկոպոսներ, բազմաթիվ հոգևոր հայրեր, գիտության ու մշակույթի գործիչներ և պաշտոնական այլ անձինք:

Ս. պատարագին ներկա էին նաև ՀՍՍՀ Մինիստրների խորհրդին առընթեր Հայ Եկեղեցու գործերի խորհրդի նախագահ պրն. Ս. Վարդանյանը, տեղակալներ պրն. Լ. Սուշյանը և Ռ. Զարգարյանը:

«Հայր մեր»-ից առաջ Հայոց Հայրապետը արտասանեց հետևյալ ոգեշունչ քարոզը.



ՎԵՀԱՓԱՌ ՀԱՅՐԱՊԵՏԸ ՄԱՅՐ ՏԱԺԱՐՈՒՄ ԻՐ 80-ԱՄՅԱԿԻ ԱՌԹԻՎ ՔԱՐՈՋ ԽՈՍԵԼԻՍ

(25 սեպտեմբերի 1988 թ.)

ԱՄԵՆԱՅՆ ՀԱՅՈՑ ԿԱԹՈՂԻԿՈՍ Տ. Տ. ՎԱԶԳԵՆ Ա ՀԱՅՐԱՊԵՏԻ
ՔԱՐՈՋԻ՝ ԱՐՏԱՍԱՆՎԱԾ՝ ՍՈՒՐԲ ԷԶՄԻԱԾՆԻ ՄԱՅՐ ՏԱԾԱՐՈՒՄ
(25 սեպտեմբեր 1988 թ.)

«Յանուն Հոր եւ Որդոյ եւ Հոգւոյն Սրբոյ. ամեն»:

«Տէր, եթէ զըթումս իմ բանաս, բերան իմ երգեսցէ զօրհնութիւնս քո»:

Սիրելի հավատացյալ ժողովուրդ որ ի Հայաստան և որ ի սփյուռս աշխարհի:

Ուղիղ քառասունհինգ տարիներ առաջ, 1948 թ. նոյեմբերի 28-ին, Բուխարեստի հայոց Եկեղեցու կամարների ներքո, խուռներամ ժողովրդի ներկայությամբ, սի երիտասարդ վարդապետ իր անդրանիկ պատարագն էր մատուցում և իր առաջին աղոթքը առաքում առ Աստված: Այդ վարդապետը այսօրվա Ամենայն Հայոց կաթողիկոսն է, որ իր հոգևոր ծառայության ուխտն էր կատարում:

1948 թ. աշխարհակործան պատերազմի օրեր էին, և հատկապես մեր հայրենի ժողովուրդը մահացու վտանգի ներքն էր գտնվում: Այդ օրը ես աղոթեցի մեր Եկեղեցու և ժողովրդի անվտանգության ու փրկության համար: Ես աղոթեցի աշխարհի խաղաղության համար:

Ես ծածուկ աղոթեցի նաև սովետական բանակների հաղթանակի համար. ասում եմ՝ ծածուկ աղոթեցի, որովհետև այդ օրերին Ռումինիան գրտնվում էր հիտլերյան Գերմանիայի կրնկի տակ: Բայց, այնուամենայնիվ, իբրև հայ ժողովրդի զավակ, ես համարձակվեցի բարձրաձայն աղոթել մեր ազգի զավակների հոգիների համար, որոնք այդ օրերին հազար-հազարներով զոհվում էին, հերոսաբար պաշտպանելու համար իրենց հայրենիքը, իրենց ազատությունը, իրենց արժանապատվությունը:

Այդ օրերին աշխարհի բոլոր հայերը աղոթում էին սովետական հաղթանակի համար, մանավանդ Վոլգայի ափերին մղվող ահեղ ճակատամարտում: Մենք արտասահմանում բոլորս գիտակցում էինք, որ, եթե այդ ափերին պարտվեր սովետական բանակը, Արաքսի մյուս ափին, մինչև ատամները գերհանական զենքերով զինված թրքական բանակը, պատրաստ էր հարձակվելու Հայաստանի վրա, մեր ժողովրդի մարմնի վրայով ուղղվելու դեպի Բաքվի նավթը: Հայաստանին և հայ ժողովրդին սպառնում էր մի երկրորդ ցեղասպանություն: Փառք Տիրոջը, որ և՛ Վոլգայի ափերին, և՛ ապա հենց Բեռլինում՝ ջախջախվեցին հիտլերյան հրեշի յոթը գլուխները:

Հաղթական ժողովուրդների հետ միասին նաև մեր ազգը հասավ վերածննդի ափին, մայր հայրենիքի վերաշինության լուսաբացին, հայ ժողովրդի երազանքների իրականացման ճանապարհին:

Խորը հուզումով հիշում եմ, հայրենական հաղթանակից հետո, իմ առաջին այցը Հայաստան 1945 թ. մայիսին, արտասահմանից եկած բազմաթիվ հոգևորական և աշխարհական ներկայացուցիչների հետ: Հաղթանակի և վերածննդի ուրախությամբ համարյա բոլորս արտասվում էինք՝ մեր հայացքը ուղղած դեպի հավերժական Արարատը և դեպի Ս. Էջմիածին:

Անցան բազում տարիներ, և 1955 թ. աշնանը, իմ կամքից անկախ, իմ ուսերին դրվեց ծանր պարտականությունը՝ ծառայելու հայոց Եկեղեցուն և ժողովրդին, իբրև առաջին սպասավոր:

Ահա երեսուներեք տարիներ շարունակ Ս. Լուսավորչի գահի վրա ես իմ տկար ուժերով աշխատեցի պարտքս կատարել Աստուծո և իմ ժողովրդի հանդեպ՝ հաճախ հաղթահարելով բազում դժվարություններ, երբեմն նույ-

նիսկ տազնապալի պահեր: Իմ հոգևոր եղբայրների գործակցությամբ, հայրենիք և արտասահմանի մեր հավատացյալ ժողովրդի աջակցությամբ, մեր հայրենի պետության ուշադիր վերաբերմունքի շնորհիվ, ես կարողացա կյանքի կոչել իրագործումներ՝ եկեղեցաշինության, հոգևոր զարթոնքի, հայրենիք-սփյուռք միասնության մակարդակների վրա:

Սյսօր, ես ՏՍ տարեկան եմ և շարունակում եմ լաո Աստված առաքել Հույն խաղաղության աղոթքը, աղոթք համայն աշխարհի խաղաղության, ազգությունների բարեկամության և պետությունների շինարար գործակցության: Ինձ համար բացարձակ ճշմարտություն է, թե մանավանդ մեր դարաշրջանում որևէ պատերազմ, ո՛չ մի լավ բան չի խոստանա ո՛չ ոքի, ո՛չ մի պատերազմ չի լուծի ո՛չ մի հարց: Որևէ պատերազմ աղետ է և կործանում բոլորի համար հավասարապես: Խաղաղության տեսականը այսօր կյանքի փիլիսոփայություն է: Ես աղոթում եմ բոլոր ժողովուրդների խաղաղ համագործակցության համար: Համոզված եմ, որ որևէ հարց, ինչքան էլ այն արդար լինի, չի կարող դրական լուծում ստանալ ազգամիջյան խռովությունների և թշնամանքների ճանապարհով: Վերջապես խաղաղություն՝ մահ մեր հարազատ ժողովրդին, մեր մայր հայրենիքին: Խաղաղության և եղբայրասիրության պատգամը հրամայական է մանավանդ այս վերջին ամիսներին, երբ մեր ժողովրդի զավակները տազնապալի օրեր են ապրում Ղարաբաղի մեր եղբայրների արդար սպասումների իրականացման ի խընդիր:

Այո՛, արդարացի են Ղարաբաղի հայության պահանջները: Մեր օրհնությունը նրանց հետ է այժմ և միշտ: Եվ ինձ համար հույժ մխիթարական է, որ այս հարցում, տիրում է կասկածալ միասնություն հայ ժողովրդի ծոցում, ի Հայաստան և ի սփյուռք աշխարհի: Տիրում է միասնություն՝ մեր ժողովրդի և Հայաստանի պետական իշխանության միջև:

Սիրելի ժողովուրդ հայոց, սիրելի երևանցիներ, բանվորներ, մտավորականներ, ուսանողներ, ես, ձեր Հայրապետը, ամբողջապես բաժանում եմ ձեր հույզերը, ձեր վրդովմունքները, ձեր պահանջները: Այդ ճանապարհի վրա իմ աղոթքներով և ջանքերով ձեզ հետ եմ, ձեր կողքին եմ գտնվում: Միայն թե հարկ է ուշադիր լինել և իմաստուն, եթե կուզեք՝ դիվանագետ, որոնելու և գտնելու համար լավագույն ճանապարհները, հասնելու այդ պահանջների դրական կենսագործմանը:

Այս նպատակով իմ վերջին քայլը հանդիսացավ՝ օգոստոսի 1-ին, իմ բարեկամական զրույցը Կրեմլում՝ Սովետական Միության նախագահի տեղակալ հարգաթան Պյոտր Դեմիչևի հետ: Այդ առթիվ երկու դիմումագրեր ներկայացրի՝ ուղղյալ մեր երկրի առաջին ղեկավար՝ մեծահարգ Միխայիլ Գորբաչովին, մեկը Ղարաբաղյան հարցի առնչությամբ, երկրորդը՝ Ղարաբաղում հայկական մի քանի վանքեր ու եկեղեցիներ վերաբացելու մասին:

Այսօր մեր առաջ դրված հիմնական հարցը այս է՝ այնպես ղեկավարվել, այնպես գործել, որ մեր համագգային միասնությունը պահպանվի, այնպես՝ որ մեր սկսած արդար դատը չձախողվի, այլ հաջողությամբ պսակվի: Դրա համար անհրաժեշտ է շատ զգույշ լինել և շրջահայաց, պահել մեր հավասարակշռությունը, մեր ողջմտությունը, մեր հեռատեսությունը և մանավանդ մեր հավատքը մեր արդար դատի հաղթանակի նկատմամբ: Այս է մահ սփյուռքի մեր եղբայրների և բոլոր հասարակական հոսանքների պատգամը: Իմ այս հավաստումը ստույգ է:

Այս սուրբ աղոթքի պահին, Միաձնաէջ այս բազմադարյան տաճարի

կամարների ներքո, իմ կյանքի ութսուն տարիների շեմին, հորդորում եմ ձեզ բոլորիդ՝ հոգով-սրտով և պայծառ մտքով հավատարիմ մնալ մեր ազգային իդեալներին և Ղարաբաղի հայության սրդար սպասումներին, հավատարիմ մնալ մեր համազգային միասնության ուխտին, հավատարիմ մնալ մեր հայրենի պետությանը: Բոլորիդ կարդում եմ հայրական հրավեր՝ լավատես ոգով, ինքնավստահ ու խաղաղ վաղը սուսփոխյալ լուսաբացից հետո ներկայանալ ձեր աշխատանքի վայրը և դիմավորել ձեր գործակիցներին, գոչելով՝ «Բարի լույս»: Թող վաղվա լույսը բարի լինի ու պայծառ:

Արարատի փեշերին, մեր լեռներին հենված, մենք պիտի ապրենք, մենք պետք է ապրենք ու գոյատևենք: Ապրել, նշանակում է հավատալ կյանքին, մնալ լավատես:

Այո, մենք պիտի ապրենք: Մեր ազգը տակավին նոր խոսք պիտ ապի աշխարհին համայն:

Մեր ժողովրդի ծոցից պիտի ծնվեն վաղը նոր Թումանյաններ, Եղիշե Չարենցներ, նոր Խաչատրյաններ, Մարտիրոս Սարյաններ, նոր մարշալ Բաղրամյաններ:

Սիրտ առեք հայեր, հոգով խնդացեք: Ձեր հայացքը հառած մեր Արարատին, մեր ապագային, հառաչ ընթացեք խաղաղ, անվրդով, լավատես ոգով, մեր վերածնված Մայր Հայաստանի լույս ճամբաներով:

Մեր հայրապետական օրհնությունը ձեզ բոլորիդ, բոլորին անխտիր:

«Տէր, եթէ գշրթունս իմ բանաս, բերան իմ երգեսցէ զօրհնութիւնս քո»:
Ամեն:

Հավարտ քարոզի Վեհափառ Հայրապետը դիմեց հավատացյալներին.

Սիրելի հավատացյալներ, թեև իմ 80-ամյակի առթիվ առանձին հանդիսություններ չեն լինելու, սակայն այս աղոթքի պահը պետք է տեղի ունենար: Եվ գոհ եմ, որ դուք էլ այդքան մեծ թվով ներկա եք գտնվում այս Ս. Տաճարի կամարների ներքո: Այս պահին ես հոգեկան մեծ գոհունակությամբ ուզում եմ ձեզ ծանուցել, որ ինձ շնորհավորելու համար այստեղ է գտնվում Ռուսաց Պրավոսլավ Եկեղեցու Սրբազան Պատրիարք Պիմենի ներկայացուցիչը, նրա աջ բազուկը՝ գերաշնորհ միտրոպոլիտ Ֆիլարետը իր շքախումբով, որ բերում է ողջույնը և սերը և բարի մտթանքները Ռուս Պրավոսլավ Եկեղեցու և ռուս հավատացյալ ժողովրդի: Ես դրա համար խորապես գգացված եմ, շնորհակալություն եմ հայտնում և նրան, և Նորին Սրբություն Պիմեն Պատրիարքին, և մաղթում եմ, որ մեր դարավոր բարեկամությունը, եղբայրությունը Ռուս Պրավոսլավ Եկեղեցու և Հայաստանյայց Եկեղեցու և ժողովուրդների միջև միշտ մնա անսասան, և հոգեկան նորանոր իրագործումներով փառավորվի: Այս առիթով ներկա են գտնվում մեր մեջ նաև արտասահմանից ժամանած մեր հոգևոր եղբայրները, սըրբազան արքեպիսկոպոսներ, եպիսկոպոսներ՝ ԱՄՆ-ից, Հարավային Ամերիկայից, Արևմտյան Եվրոպայից, Ռումինիայից, Բոզդարիայից, Սուրիայից, Հունաստանից և Եգիպտոսից և այլ շրջաններից, Եկեղեցիների Համաշխարհային Խորհրդի ներկայացուցիչներ ու նաև բազմաթիվ ներկայացուցիչներ Սփյուռքի հայության՝ ազգային գործիչներ, տարբեր թերթերի խմբագիրներ և հոծ թվով ուխտավորներ:

Թող Աստված միշտ մնա օգնական և պահապան մեր Սուրբ Եկեղեցուն, և մեր ժողովրդին հեռու պահի ամեն տեսակի փորձություններից, որպեսզի մենք կարողանանք Մայր Հայրենիքի հողի վրա շարունակել մեր

խաղաղ, շինարար և ստեղծարար կյանքը: Այս առիթով ես սիրով ողջունում եմ մեր հոգևոր եղբայրներին, որ այստեղ են գտնվում, և կրկին աղոթում եմ, որպեսզի Աստված անասան պահի և միշտ ծաղկյալ Հայաստանյայց Առաքելական Ե. Եկեղեցին, Մայր Աթոռ Ս. Էջմիածինը, մեր Եկեղեցվո պատմական նվիրապետական Աթոռները՝ Մեծի Տանն Կիլիկիո Կաթողիկոսությունը, Երուսաղեմի Պատրիարքությունը, Կոստանդնուպոլսո Պատրիարքությունը և հաւայն հավատացյալ մեր ժողովուրդը ի Հայաստան և ի Եփրատն աշխարհի:

Ծնորհք, սեր և խաղաղություն եղիցին ընդ ձեզ, այժմ և միշտ և հավիտյան հավիտենից, ամեն:

Ապա շնորհավորանքի արտագին խոսք ասաց եկեղեցու Ավագ խորան հրավիրված Միմսկի ու Բելոռուսիայի միտրոպոլիտ Ֆիլարետը: Նա իր խոսքի մեջ ի մասնավորի ասաց.

ՄԻՏՐՈՊՈԼԻՏ ՖԻԼԱՐԵՏԻ ԽՈՍՔԸ ՄԱՅՐ ՏԱՃԱՐՈՒՄ

Զերդ Սրբություն, ծայրագույն Պատրիարք և կաթողիկոս Ամենայն Հայոց.

Այս հրաշալի, արևոտ աշմանային օրը թույլ տվեք բերել Զերդ Սրբությանը եղբայրական անկեղծ շնորհավորանքները Մոսկվայի և համայն Ռուսիո Պատրիարք Պիմենի: Ի դեմս նրա Զեզ այսօր ուլջունում, շնորհավորում և բարեմաղթություններ է հղում ողջ Ռուս Պրավոսլավ Եկեղեցին:

Մենք առաքելական Եկեղեցիներ ենք, մենք միասնական առաքելական Եկեղեցի ենք. պատկանում ենք տարբեր Ավանդությունների, բայց մեր միությունը Տիրոջով ամրացել է դարերի փորձությամբ: Ռուս և հայ ժողովուրդները, հավատարիմ մեր Տիրոջը և Հիսուս Քրիստոսին, միշտ իրենց կյանքով հաստատել են Նրա Ավետարանի գաղափարները, սիրո և եղբայրության գաղափարները: Եվ այս սուրբ օրը ուզում ենք մի անգամ ևս վկայել Զերդ Սրբությանը Ռուս Եկեղեցու և ռուս ժողովրդի սերն ու հավատարմությունը: Մեր ժողովուրդները ցուցաբերում են փոխադարձ սեր և հավատարմություն, մեր Եկեղեցիները ցուցաբերում են փոխադարձ էկումենիկ կապվածություն և վկայում են ամբողջ աշխարհին, թե ինչպե՛ս պետք է ծառայել Եկեղեցու միասնությանը և մարդկային ցեղի միասնությանը:

Զերդ Սրբությունը իր ամբողջ կյանքով օրինակ է այդպիսի ծառայության: Մեր Եկեղեցում Զեր սուրբ անունը մեծարված է և սիրելի: Եվ այսօր հավանաբար Նորին Սրբություն Պիմեն Պատրիարքը կլիներ Զեզ հետ, եթե բուժման կարիք չունենար: Նա խնդրեց հաղորդել իր եղբայրական ողջունն ու շնորհավորանքը Զերդ Սրբությանը՝ ինչպես նաև Զեր բոլոր եղբայրակիցներին, որոնք հավաքվել են արտասահմանի հայկական թեմերից:

Ռուս Եկեղեցին միշտ Հայ Եկեղեցու ու հայ ժողովրդի հետ է եղել թե՛ ուրախության, թե՛ տխրության օրերին. մենք պատմականորեն միշտ միասին ենք եղել, և այս օրերին Զեզ հետ միասին Աստծուն աղոթում են մեր Եկեղեցիները, մեր ժողովուրդները և մեր երկրի ողջ ժողովուրդները: Մեր Եկեղեցին շատ է մեծարում Աստվածամորը. Նա Եկեղեցու մայրն է, Նա մեր բոլորիս մայրն է: Աստվածամոր Վլադիմիրյան այս նկարը, ստեղծված 18-րդ դարում, ընդունեցեք իբրև մեր աիրո արտահայտությունը, մաղ-

թանքով, որ Աստվածամայրը պահպանի ինքն իր Եկեղեցիներն ու ժողովուրդները, և մենք բոլորս, իբրև Նրա խելացի զավակները, ավելի շատ բարիք գործենք:

Շնորհակալություն Տիրոջը՝ բազում տարիների մաղթանքներով:

Միտրոպոլիտի շնորհավորական խոսքից հետո տեղի ունեցավ Հայրապետական մաղթանք:

Ս. պատարագից հետո Վեհարանի ճաշարանում տրվեց ճաշկերույթ, որ Վեհափառ Հայրապետին, նրա 80-ամյա հոբելյանի առթիվ, շնորհավորեցին Եկեղեցիների Համաշխարհային Խորհրդի, Գերագույն Հոգևոր Խորհրդի ու սփյուռքահայության ներկայացուցիչները:

Հանուն Ռուս Եկեղեցու, Նորին Սրբություն Պիմեն Պատրիարքի ուղերձը ընթերցեց միտրոպոլիտ Ֆիլարետը.

ՆՈՐԻՆ ՍՈՒՐԲ ՕԾՈՒԹՅՈՒՆ ՏԵՐ ՏԵՐ ՎԱԶԳԵՆ ԱՌԱՋԻՆ
ԾԱՅՐԱԳՈՒՅՆ ՊԱՏՐԻԱՐԿ ԵՎ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ

Ձերդ Սրբություն,

Սիրեցյալ եղբայր ի Քրիստոս,

Ձեր 80-ամյակի այս ուրախալի օրը և Ձեր կյանքի նշանակալից իրադարձության առիթով Ռուս Պապոսյակ Եկեղեցու անունից ի սրտե շնորհավորում և ողջունում եմ Ձեզ սուրբ առաքյալ և ավետարանիչ Հովհաննես Աստվածաբանի խոսքերով. «Շնորհք, ողորմություն, խաղաղություն յԱստուծոյ ի Հօրէ եւ ի Տեառնէ Յիսուսէ Քրիստոսէ Որդւոյն Հօր ճշմարտութեամբ եւ սիրով եղիցին ընդ ձեզ» (Բ Հով. Ա 3):

Մենք ջերմորեն աղոթում ենք Ձեզ համար և ջերմեռանդորեն գոհունակ ենք հայտնում Երրորդությանը փառաբանվող Աստծուն առատորեն Ձեզ պարգևած և Ձեր կողմից բազմապատկված տաղանդների համար: Եվ մենք լսում ենք Ձեզ ուղղված Տիրոջ ձայնը. «Մուտ յուրախութիւն Տեառն քո» (Մաթ. ԻԵ 14—30):

Ձերդ Սրբություն, հնարավորություն չունենալով այժմ Ձեզ հետ գտնվելու, խնդրեցի Սրբազան Սինդոի մշտական անդամ Եկեղեցու արտաքին հարաբերությունների բաժնի նախագահ, Միմսկի և Բելոռուսիայի գերաշնորհ միտրոպոլիտ Ֆիլարետին ժամանել Սուրբ Էջմիածին և վկայել Ձեր սոցն իմ և մեր Եկեղեցու հավատարիմ զավակների սերն ու հարգանքը Ձերդ Սրբության նկատմամբ:

Աստուծո ողորմությամբ երեք տասնամյակից ավելի շարունակվում է Ձեր օրհնյալ ծառայությունը Սուրբ Էջմիածնի Հայրապետական Աթոռին: Այս տարիները նշանավորված են ներկեղեցական, էկոմենիկ, խաղաղաստեղծ և հայրենասիրական Ձերդ Սրբության բեղմնավոր գործունեությամբ: Ինձ խորին գոհունակություն է պատճառում վկայել, թե որքան բարձր ենք գնահատում Ձեր ձգտումը իսկական եղբայրական հարաբերություններ զարգացնել մեր երկու Եկեղեցիների միջև, մշտական արտահայտումը ստացող իրենց բազմաօգտակար կապերով և բեղմնավոր համագործակցությամբ: Դա իր հատուկ կարևոր նշանակությունն ունի մեր օրերին, որն

ամբողջ քրիստոնյա աշխարհի առջև հրատապ խնդիրներ է առաջ քաշում՝ օգտագործել բոլոր հնարավորությունները՝ մարդկության, Աստուծո ողջ ստեղծագործության պահպանման համար: Մեր պարբերական հանդիպումները օգնում են մեզ միասին աղոթել հանուն քրիստոնեական միասնականության, հանուն աշխարհում քրիստոնեական սիրո և եղբայրության ամրապնդման, հանուն ժողովուրդների միջև խաղաղության հաստատման, հանուն մեր սիրելի Հայրենիքի բարեկեցության:

Մենք հավատում ենք, որ այս աղոթքները, մեր միջև եղած փոխհասկացողությունը և համագործակցությունը հաճելի են Տիրոջը և կրում են իրենց վրա Նրա ամենագործիքնությունը:

Ես հատկապես շեշտում եմ մեր ավանդական համագործակցության կարևորությունը՝ ուղղված մեր թանկագին Հայրենիքի բարիքի բազմապատկմանը, հանուն մեր մեծ Տերության եղբայրական ժողովուրդների փոխհասկացողության և բարեկամության մեջ խաղաղ և բարեբախտ գոյության ամրապնդմանը:

Ամենայն ջերմությամբ հիշում եմ մեզ համար Ձեր թանկագին մասնակցությունը Ռուսաստանի Մկրտության 1000-ամյակի տոնակատարությանը՝ արտահայտված Ձեր համատրախությամբ, սրտահույզ ողջույնի խոսքերով մեր Սուրբ Եկեղեցուն, հիշարժան նվերներով և աղոթքի հաղորդակցությամբ:

Այս հիշարժան օրվա ստիժով կրկին ու կրկին ամբողջ սրտով մաղթում եմ Ձերդ Սրբությանը Աստուծո շնորհալի օգնականությունը Ձեր հայրապետական ծառայության բոլոր ուղիներում, հոգևոր և մարմնավոր ուժերի ամրության և երկար տարիների կյանք:

Խնդրում եմ Ձերդ Սրբությանը ընդունել իմ կողմից հիշարժան նվեր՝ սուրբ պսունակ:

Եղբայրական խորին սիրով ի Քրիստոս՝

ՊԻՄԵՆ

ՄՈՍԿՎԱՅԻ ԵՎ ՀԱՄԱՅՆ ՌՈՒՍԱՍՏԱՆԻ ՊԱՏՐԻԱՐԺ

Մոսկվա,

23 սեպտեմբերի 1988 թ.

•
•

«Էջմիածին» ամսագրի խմբագրությունը ևս սրտանց շնորհավորում է ազգընտիր Վեհափառ Հայրապետին՝ նրա ծննդյան 80-ամյակի կապակցությամբ՝ մաղթելով երկար տարիների քաջառողջ կյանք, որպեսզի վերանորոգ եռանդով շարունակի հովվել և առաջնորդել հայ ժողովրդին ու Հաստատանյայց Առաքելական Եկեղեցին աստվածահաճո ճանապարհով:

